

պը չէր արտօնում եւ չի արտօնում դեռ, որ հայերն իրենց հոգեւոր կարիքները հոգան կաթոլիկ եկեղեցիներում: Հայերի մուտքը կաթոլիկ հոգեւոր միաբանութիւնների մէջ թոյլատրուած է լոկ որպէս բացառութիւն, միայն պապի անձնական կարգադրութեամբ եւ միշտ դժկամակութեամբ:

Եւ պապերի այս քաղաքականութեան շրտորհիւ միայն մինչեւ այժմս էլ հայ են մնացել հոռովէական եկեղեցուն յարած հայերը:

Մենք ունինք փաստեր, որոնք ցոյց են տալիս, որ միութիւնն ընդունելուց յետոյ, յամենայն դէպս ոչ ուշ ժժ դարի սկզբից, հայերը, մանաւանդ կալուածատէր-պնդուականներն ու հարուստ վաճառականները, իրենց ծանր էին համարում հայ-կաթոլիկական ծէսը, որը, առանց իրենց որեւէ առաւելութիւն տալու, դուրս էր հանում լեհ ազգաբնակչութեան ընդհանուր զանդուածից: Հայերի մէջ առաջ եկած այս շարժումը, ըստ երեւոյթին, որոշ համակրանք գտաւ եւ տեղական (լեհ) լատին հոգեւորականութեան մէջ, այնպէս որ 1848 թ., երբ թափուր դարձաւ Լվովի լատին եպիսկոպոսական աթոռը, թէ՛ լատին եւ թէ՛ հայ հոգեւորականութեան մէջ միտք ծաղեց, այն ժամանակուայ հայ արքեպիսկոպոս զառամեալ Ստեֆանովիչին նստեցնել Լվովի լատին եկեղեցու եպիսկոպոսական աթոռը, որով հայ հօտն էլ կը միացուէր լատին եկեղեցուն:

Այս միտքը աշխատեցին իրականացնել աւրստրիական կենտրոնական իշխանութեան միջոցով, սակայն, պապը այս անգամ էլ միջամտեց եւ իր իշխանութեամբ, առանց աւրստրիական կառավարութեան հաւանութիւնն առնելու, Շիմանովիչին նշանակեց աթոռակից cum nure seccededi եւ դրանով պահեց հայ-կաթոլիկ առանձին եկեղեցին Լեհաստանում:

Միւս կողմից, ծնունդ առաւ մի ուրիշ շարժում տեղական հայ մտաւորականութեան մէջ, արդէն ազգային հողի վրայ, որը ձգտում էր պաշտպանել հայ-կաթոլիկ եկեղեցու առանձին գոյութիւնը: Սկսեցին լոյս տեսնել լեհահայոց պատմութեան մասին առանձին գրքուածքներ, որոնք յիշեցնում էին հայերին իրենց փառաւոր պատմական անցեալը Լեհաստանի գալուց առաջ եւ Լեհաստանում:

Այս խնդրով զբաղուող եւ, ամենավտանգաւոր վայրկեանին, հայերի ազգային ոգու արթնացման ամենից աւելի զարկ տուող գրողների մէջ առանձնապէս աչքի է ընկնում Զախարիասելիչ եպիսկոպոսը եւ Սադոկ Բարոնչ (Պարոնեան) երէցը — երկուսն էլ հոռովէական կաթոլիկներ՝ անդամ կաթոլիկ միաբանութեան: Զախարիասելիչը գրել է “Wiadobase o Ormianach w Polsce” (1840 թ.), իսկ Բարոնչ՝ “Zywoty Slawnych Ormian w Polsce” (1856 թ.), եւ “Rys Dziejow Ormianskich” (1869 թ.):

Գրական աշխատանքին յաջորդեց եւ կըրթական-մշակութային աշխատանքը: Դոկտ. Յովսէփ Թորոսովիչը 1865 թ. Փետրուար 9-ին հիմնեց «Հանրակրթական ճեմարան յանուն Յ. Թորոսովիչ» ի անունով՝ գիշերօթիկ մի դըպրոց հայ երիտասարդութեան դաստիարակութեան համար: Ուսանող կարող էին լինել միայն հայ-կաթոլիկ ծէսին պատկանող հայ պատանիները: Այս ճեմարանը գոյութիւն ունի այսօր էլ:

Սակայն, շարժումը յօգուտ հայ-կաթոլիկ եկեղեցու միութեան լատին եկեղեցու հետ կամ, աւելի ճիշտ, հայ-կաթոլիկների անջատ գոյութեան վերացման ձգտումը դեռ երկար մնաց կենդանի: Տակաւին անցեալ դարի վաթսուական թուականներին, ծաղեց մի բանակուիւ հայ ունեւոր կալուածատէր դասակարգի ներկայացուցիչների եւ երէց, յետագային Լըվովի արքեպիսկոպոս Իսակովիչի միջեւ, որի ժամանակ կալուածատէրերը պնդում էին, որ առանձին ծէսի պահպանումը հայերի համար այլեւս ժամանակավրէպ է, որովհետեւ ո՛չ առանձին լեզու գոյութիւն ունի, ոչ սովորութիւններ, ոչ էլ առանձին հայկական ազգային ոգի, որով հայերը տարբերուէին լեհ ազգաբնակչութիւն կայ:

Իսակովիչի առարկութիւնները յանդում էին այն բանին, որ հայ ազգաբնակչութիւնը զանդուածօրէն պահել ու պահում է դեռ հայ ազգային շահերը՝ մնալով միաժամանակ եւ լաւ լեհ քաղաքացի, եւ որ իրենց հայկական ծագումը իրենց համար անտանելի են համարում մի քանի տասնեակ հարուստ կալուածա-